

壞無有作業者亦無受報者大王彼後識滅時名入死數若初識生名入生數大王彼後識起時無所從來及其滅時亦無所至其緣生時亦無所從來滅時亦無所至其業生時亦無所從來滅時亦無所至死時亦無所從來滅時亦無所至初識生時亦無所從來滅

時亦無所至其生亦無所從來滅時亦無所至何以故自性離故彼後識後識體性空緣體性空業業體性空死死體性空初識初識體性空受生受生體性空世間世間體性空涅槃涅槃體性空起起體性空壞壞體性空大王如是作業果報皆不失壞無有作業

者無有受報者但隨世俗故有非第一義也大王當知一切諸法皆悉空寂一切諸法空者是空解脫門空無空相名無相解脫門若無相者則無願求名無願解脫門如是大王一切法皆具三解脫門與空共行涅槃先道遠離於相遠離願求究竟涅槃界決定如法

界周遍虛空際大王當知諸根如幻境界如夢一切譬喻當如是知

古栗

大寶積經卷第七十四

皇四

悲號下音毫饌傷也苦瓠下音護維屬婆而上

大寶積經卷第七十五

皇五

高齊北天竺三藏那連提耶舍譯

菩薩見實會第十六之十五

六界差別品第二十五之三

大王如人夢中自持熱銅葉纏被其身是人覺已憶念夢中所被銅葉於意云何是人所

夢是真實不王言不也大王於意云何是人所夢執謂真實是為智不王言不也世尊何以故夢中畢竟無有銅葉況以衣身是人徒自疲勞都無有實佛言大王如是愚癡無聞凡夫見恐懼事心生執著生執著已起於怖畏於怖畏已作怖畏業謂身三口四意三種

業造彼業已即便謝滅是業滅已不依東方而住亦復不依南西北方四維上下而住如是之業乃至臨死之時最後識滅見先所作心想中現大王是人見已心生忙懼自分業盡異業現前大王如彼夢覺念夢中事如是大王最後識為主彼業因緣故以此二緣生分之中識心初起或生地獄或生畜生或生閻魔羅界或生阿脩羅或生天中或生人中前識既滅受生分識生生分相續心種類不絕大王無有一法從於今世至於後世而有生滅見所作業及為果報皆不失壞無有作業者亦無受報者大王彼後識滅時各入死數若初識生各入生數大王彼後識起時無所從來及其滅時亦無所至其緣生時亦無所從來滅時亦無所至其業生時亦無所從來滅時亦無所至死時亦無所從來滅時亦無所至初識生時亦無所從來滅時亦無所至其生亦無所從來滅時亦無所至何以故

自性離故彼後識後識體性空緣緣體性空業業體性空死死體性空初識初識體性空受生受生體性空世間世間體性空涅槃涅槃體性空起起體性空壞壞體性空大王如是作業果報皆不失壞無有業者無有受報者但隨世俗故有非第一義也大王當知一切諸法皆悉空寂一切諸法空者是空解脫門空無空相名無相解脫門若無相者則無願求名無願解脫門如是大王一切法皆具三解脫門與空共行涅槃先道遠離於相遠離願求究竟涅槃界決定如法界周徧虛空際大王當知諸根如幻境界如夢一切譬喻當如是知大王如人夢中見身根壞不覺諸觸是人覺已憶念夢中敗壞之相於意云何是人所夢是真實不王言不也大王於意云何是人所夢執謂是實是為智不王言不也世尊何以故夢中畢竟無有身根況敗壞也是人徒自疲勞都無有實佛言大王如是

皇五

二

愚癡無聞凡夫自見身根敗壞心生執著生執著已起恐怖心起恐怖心已作恐怖業所謂身三口四意三種業造彼業已即便謝滅是業滅已不依東方而住亦復不依南西北方四維上下而住如是之業乃至臨死之時最後寂滅見先所作心想中現大王是人見

已心生怖懼自分業盡異業現前大王如彼夢覺念夢中事如是大王最後識為主彼業因緣故以此二緣生分之中識心初起或生地獄或生畜生或生閻魔羅界或生阿脩羅或生天中或生人中前識既滅受生分識生分相續心種類不絕大王無有一法從於

今世至於後世而有生滅見所作業及受果報皆不失壞無有作業無有受報者大王彼後識滅時各入死數若初識生各入生數大王彼後識起時無所從來及其識滅時亦無所至其緣生時亦無所從來滅時亦無所至其業生時亦無所從來滅時亦無所至初

皇五

三

識生時亦無所從來滅時亦無所至其生亦無所從來滅時亦無所至何以故自性離故彼後識後識體性空緣緣體性空業業體性空死死體性空初識初識體性空受生受生體性空世間世間體性空涅槃涅槃體性空起起體性空壞壞體性空大王如是作業果

報皆不失壞無有業者無有受報者但隨世俗故有非第一義也大王當知一切諸法皆悉空寂一切諸法空者是空解脫門空無空相名無相解脫門若無相者則無願求名無願解脫門如是大王一切法皆具三解脫門與空共行涅槃先道遠離於相遠離願求究竟涅槃界決定如法界周徧虛空際大王當知諸根如幻境界如夢一切譬喻當如是知大王如人夢中夢見幻師幻作五欲自見己身與彼圍繞共相娛樂是人覺已不見五欲便憶夢中五欲之樂於意云何是人所夢是真實不王言不也大王於意云何是人所

夢執謂真實是爲智不王言不也世尊何以故夢中畢竟無有幻師況復幻作五欲迤相娛樂是人徒自疲勞都無有實佛言大王如是愚癡無聞凡夫見是幻師幻作五欲心生執著生執著已起於愛重起愛重已生染著心生染著已作染著業所謂身三口四意三種業造彼業已即便謝滅是業滅已不依東方而住亦復不依南西北方四維上下而住如是之業乃至臨死之時最後識滅見先所作心想中現大王是人見已心生愛著自分業盡異業現前大王如彼夢覺念夢中事如是大王最後識爲主彼業因緣故以此二緣生分之中識心初起或生地獄或生畜生或生閻魔羅界或生阿脩羅或生天人中前識既滅受生分識生生分相續心種類不絕大王無有一法從於今世至於後世而有生滅見所作業及受果報皆不失壞無有作業者亦無受報者大王彼後識滅時名入死數若

皇五

初識生名入生數大王彼後識起時無所從來及其滅時亦無所至其緣生時亦無所從來滅時亦無所至其業生時亦無所從來滅時亦無所至初識生時亦無所從來滅時亦無所至其生亦無所從來滅時亦無所至何以故自性離故彼後識後識體性空緣緣體性空業業體性空死死體性空初識初識體性空受生受生體性空世間世間體性空涅槃涅槃體性空起起體性空壞壞體性空大王如是作業果報皆悉不壞無有業者無有受報者但隨世俗故有非第一義大王當知一切諸法皆悉空寂一切諸法空者是空解脫門空無空相名無相解脫門若無相者則無願求名無願解脫門如是大王一切法皆具三解脫門與空共行涅槃先道遠離於相遠離願求究竟涅槃界決定如法界周徧虛空際大王當知諸根如幻境界如夢一切譬喻當如是知大王如人夢中夢見大水漂

蕩已身妻子眷屬既見漂已心生無量種種
憂惱是人覺已憶念夢中爲水所漂憂苦之
事於意云何是人所夢是真實不王言不也
佛言大王是人所夢執謂真實是爲智不王
言不也世尊何以故夢中畢竟無有大水況
復漂蕩生大憂惱是人徒自疲勞都無有實

皇五

五

佛言大王如是愚癡無聞凡夫見水漂蕩心
生執著生執著已其心不喜心不喜故作不
喜業所謂身三口四意三種業造彼業已即
便謝滅是業滅已不依東方而住亦復不依
南西北方四維上下而住如是之業乃至臨
死之時最後識滅見先所作心想中現大王
是人見已心生忙怖自分業盡異業現前大
王如彼夢覺念夢中事如是大王最後識爲
主彼業因緣故以此二緣生分之中識心初
起或生地獄或生畜生或生閻魔羅界或生
阿脩羅或生天中人中前識既滅受生分識
生生分相續心種類不絕大王無有一法從

於今世至於後世而有生滅見所作業及受
果報皆不失壞無有作業亦無受報者大
王彼後識滅時名入死數若初識生名入生
數大王彼後識起時無所從來及其滅時亦
無所至其緣生時亦無所從來滅時亦無所
至其業生時亦無所從來滅時亦無所至死

時亦無所從來滅時亦無所至初識生時亦
無所從來滅時亦無所至其生亦無所從來
滅時亦無所至何以故自性離故彼後識後
識體性空緣緣體性空業業體性空死死體
性空初識初識體性空受生受生體性空世
間世間體性空涅槃涅槃體性空起起體性
空壞壞體性空大王如是作業果報皆不失
壞無有業者無有受報者但隨世俗故有
非第一義也大王當知一切諸法皆悉空寂
一切諸法空者是空解脫門空無空相名無
相解脫門若無相者則無願求名無願解脫
門如是大王一切法皆具三解脫門與空共

行涅槃先道遠離於相遠離願求究竟涅槃
 界決定如法界周遍虛空際大王當知諸根
 如幻境界如夢一切譬喻當如是知大王如
 人夢中自見己身飲酒惛醉無所覺知不識
 罪福善惡尊卑優劣是人覺已憶念夢中飲
 酒迷亂於意云何是人所夢是真實不王言

皇五

六

不也大王於意云何是人所夢執謂真實是
 為智不王言不也世尊何以故夢中竟無有
 酒況飲惛亂不識尊卑善惡優劣是人徒自
 疲勞都無有實佛言大王如是愚癡無聞凡
 夫夢見飲酒惛醉心生執著生執著已起染
 愛心起染愛心已作染愛業所謂身三口四

意三種業造彼業已即便謝滅是滅業已不
 依東方而住亦復不依南西北方四維上下
 而住如是之業乃至臨死之時最後識滅見
 先所作心想中現大王是人見已心生愛著
 自分業盡異業現前大王如彼夢覺念夢中
 事如是大王最後識為主彼業因緣故以此

二緣生分之中識心初起或生地獄或生畜
 生或生閻魔羅界或生阿脩羅或生天中人
 中前識既滅受生分識生生分相續心種類
 不絕大王無有一法從於今世至於後世而
 有生滅見所作業及受果報皆不失壞無有
 作業亦無受報者大王彼後識滅時各入

死數若初識生各入生數大王彼後識起時
 無所從來及其滅時亦無所至其緣生時亦
 無所從來滅時亦無所至其業生時亦無所
 從來滅時亦無所至死時亦無所從來滅時
 亦無所至其生亦無所從來滅時亦無所至
 何以故自性離故彼後識後識體性空緣緣

皇五

七

體性空業業體性空死死體性空初識初識
 體性空受生受生體性空世間世間體性空
 涅槃涅槃體性空起起體性空壞壞體性空
 大王如是作業果報皆不失壞無有業者
 無有受報者但隨世俗故有非第一義也大
 王當知一切諸法皆悉空寂一切諸法空者

是空解脫門空無空相名無相解脫門若無相者則無願求名無願解脫門如是大王一切法皆具三解脫門與空共行涅槃先道遠離於相遠離願求究竟涅槃界決定如法界周遍虛空際大王當知諸根如幻境界如夢一切譬喻當如是知

四轉輪王品第二十六之一

尔時佛告淨飯王言大王如上所說之法繫心精勤當自觀察修行勿隨於他此法乃是過去未來現在諸佛菩提能超一切世間自在能除一切渴愛降伏我慢滅除罪過一切諸法而得平等彼非凡夫地一切聲聞所不

能到一切辟支佛非其境界一切菩薩之所修行一切諸佛之所證得大王於此法中應當安意應作是念我當云何於天人中得為眼目得為燈明得為大炬得為船棧善知水路得為導師得為商主得為導首我當云何得自度已復能度他自既解脫令他解脫自

得安隱令他安隱自證涅槃令他涅槃大王當知不應觀過去世際所經豪富自在大王諸根如幻無滿足時亦無能滿者境界如夢於色聲香味觸無有厭足大王過去之世有轉輪王名無量稱大王彼無量稱王具足無量眾寶輦與軍眾象馬無礙輪寶七寶具足

所有軍乘無能壞者於先佛所殖諸善根意力成就隨念即辦大王彼無量稱王有所憶念無不隨意何以故具足成就善根力故大王尔時無量稱王即作是念以我自試福德之力時無量稱王即作是念以我威力令此四天下所有樹木常有華果用之無盡大王

皇五

彼無量稱王作是念已於四天下所有樹林華果繁茂用無窮盡大王無量稱王復作是念令四天下所有人民諸所欲願隨意無違大王彼無量稱王作是念已四天下中一切人民一切所願悉得充滿大王無量稱王復作是念我當更試善根之力若我有福令四

天下降注香水作是念已於四天下尋降香
雨大王亦時無量稱王復作是念我今當更
自試福力大王時無量稱王即作是念若我
福力令四天下普雨妙華作是念時於四天
下尋雨妙華大王亦時無量稱王復作是念
我今當更自試福力若我有福令四天下普

雨妙衣作是念已於四天下尋雨天上劫具
樹衣大王彼無量稱王復作是念我今自試
福力若我有福令四天下普雨銀雨作是念
已於四天下尋降銀雨大王彼無量稱王復
作是念我今當更自試福力復作是念若我
有福令四天下普雨金雨作是念已於四天

下尋雨金雨何以故無量稱王所願從意皆
由過去於一切衆生修共業善大王亦時此
閻浮提地縱廣正等一萬八千由旬當亦之
時此閻浮提有六十千萬諸大城郭大王亦
時於此閻浮提中置立隍城各寶莊嚴其城
縱廣十二由旬四面平正妙巧所成街巷莊

五

九

嚴界分分明於其城外有多羅樹七重行列
其多羅樹四寶合成所謂金銀琉璃頗梨莊
飾端嚴甚可愛樂其金樹者根莖枝條悉皆
是金其葉華果悉是白銀其銀樹者根莖枝
條悉皆是銀其葉華果皆是黃金毗琉璃樹
根莖枝條悉是琉璃其葉華果皆是頗梨其
頗梨樹根莖枝條悉是頗梨其葉華果皆毗
琉璃大王亦時彼寶莊嚴城周而七重懸寶
鈴網種種莊嚴微妙第一復以種種衆寶羅
網彌覆其上於其城外有七重寶灑彼一一
灑深半由旬廣一由旬其七重灑底岸平正
八功德水清淨盈滿衆鳥易飲復有諸華所
謂優鉢羅華拘物頭華波頭摩華分陀利華
彌蒲其中底布金沙其灑四邊周而階道四
寶莊嚴所謂金銀琉璃瓊瓏種種微妙甚可
愛樂彼諸階道四寶合成黃金爲階白銀爲
階白銀爲階黃金爲階琉璃瓊瓏間錯上下
交互莊飾周而欄楯七寶所成端嚴無比一

一階道有七重寶門種種莊嚴微妙最上一階道於其兩邊金芭蕉樹其壑四邊周帀階道於其兩頭一一皆有七寶妙座彼諸所有種種莊嚴皆悉是彼無量稱王福德所致其寶莊嚴城外周帀而有八萬園林無量稱王作此園林不起愛著我所之心悉施衆生

共同受樂是一一園有八大池一一大池縱廣半由旬於其池中有種種華優鉢羅華波頭摩華拘物頭華分陀利華如是衆華彌覆其上——池邊有八階道一一階道四寶所成端嚴殊妙其階道頭建七寶幢門所謂金銀琉璃及瑪瑙等其階兩邊間浮檀金爲芭

蕉樹莊飾嚴麗八功德水彌滿池中烏鳥堪飲其池四邊植諸妙華所謂阿提目多伽華蒼葡萄華阿輸伽華拘羅婆華波吒梨華迦膩迦羅華婆拘羅華婆利師迦華末利迦華蘇摩那華摩樓多華陀窵師迦華如是等陸地生華無量稱王爲令諸人受適樂故種植如

皇五

十

是種種妙華是諸人民遊戲其中歡娛受樂大王彼寶莊嚴城所有寶鈴羅網寶多羅樹微風吹動出和雅音譬如有人善作五種微妙音樂其聲和雅甚可愛樂彼無量稱王所有宮城鈴網寶樹園林樂具所出妙音甚可愛樂亦復如是大王尔時寶莊嚴王城中所

有人民以彼妙音娛樂受樂時彼寶莊嚴城豐樂安隱人民充滿豪富自在處處皆有優鉢羅華波頭摩華拘物頭華分陀利華大王彼無量稱王又於異時復作是念我今當往西瞿陀尼作是念已王及四兵俱昇虛空往瞿陀尼王既至彼彼諸小王皆來奉迎各以國土奉獻大王時無量稱王於彼止住百千萬歲於彼王領大王彼無量稱王復作是念我今當往東弗婆提作是念已即與四兵俱昇虛空往弗婆提王既至彼彼土小王亦皆奉迎復以國土奉上大王無量稱王於彼止住百千萬歲於彼王領大王彼無量稱王復

於異時作是思惟我當往彼比鬱單越作是念已即與四兵上昇虚空諸鬱單越王既至彼彼諸人民歡喜歸化王於彼住多百千歲王領受樂教已眷屬大王彼無量稱王於彼久時復作是念我曾聞有三十三天住須彌頂我今宜往忉利天上作是念已即乘龍象

量

土

復與四兵飛昇虚空上須彌山大王亦時無量稱王即問御臣汝見須彌及以大海并四天下其事云何御臣答王我見須彌及大海水四天下等悉皆旋轉猶如陶師以杖轉輪我見須彌及四天下悉皆旋轉亦復如是王告御臣此龍象王不行未止大王亦時無量

稱王復更前進問御臣言汝見須彌大海及四天下復更云何御臣答言我見須彌及大海水四天下等悉皆震動王答臣言今將欲到須彌山頂此龍象王小行猶未止大王彼無量稱王復更前行問御臣言汝見須彌及大海水并四天下相復云何御臣答王我見

須彌及大海水四天下等不動不轉王告臣言此龍象王今已到彼須彌山頂大王亦時無量稱王及與四兵尋即到彼須彌山頂大王亦時帝釋遙見無量稱王歡喜來迎而作是言善來大王即分半座命王令坐王即就坐在彼天上經無量歲與彼天主分半而治

大王亦時無量稱王復於久時作如是念我今寧可退彼天主即住其中獨為天王作是念已無量稱王及以四兵從彼三十三天即便退落還闍浮提寶莊嚴城墮七寶園中亦時寶莊嚴城中人民出於城外至寶園中見無量稱王及諸四兵從天而墮在彼園中

眾人見已速疾入城告城中人作如是言今有天子并及四兵從天而來在寶園中亦時寶莊嚴城中復有一王名曰作愛秉執國事彼作愛王聞有天子并及四兵從天而墮在寶園聞已速疾嚴勅四兵駕御善乘與諸城人從寶莊嚴城出詣寶園王及城人

見無量稱王怪未曾有。爾時作愛王尋勅速辦種種香華末香塗香。疾至無量稱王所偏袒。右肩右膝著地合掌長跪。向無量稱王而作是言。汝爲是誰。王即荅言。汝於昔來頗曾聞有無量稱王。以不時作愛王。及諸臣民皆云。我昔曾從先舊人聞本有大王名無量稱

皇五

十一

王。四天下與其四兵昇忉利天。無量稱王即荅之言。如汝所聞無量稱王。即我身是。爾時無量稱王初從天上聞彼人間飲食精氣。心不愛樂。不能堪忍。身體沉憊。猶如醍醐投熱沙中。尋即沉沒。不得暫停。無量稱王於閻浮提飲食諸味。不生愛樂。身心沉沒。亦復如是。

爾時作愛王見無量稱王不堪。人中香氣飲食身心頓弊。不能止住。便作是語。無量稱王。有何善言。我於來世何所傳說。大王時無量稱王告作愛王言。汝今當知無量稱王從昔已來。王四天下威德自在。有所須念。無不隨意。樹林華果。及隨意果。能除一切衆生苦惱。

隨諸衆生所須之具。皆令如意。我復又能降天香。雨天衣。天華。雨銀。雨金。王四天下豪富自在。昇忉利天。帝釋分座。共治天事。貪無厭。故於天退沒。下閻浮提。遂便終沒。時無量稱王告作愛王言。如上衆事。汝於未來當如是說。無量稱王豪富自在。貪求無厭。自取命終

作是語已。即便命終。佛言。大王當知。勿作異觀。莫生猶豫疑惑之心。爾時無量稱王豈異人乎。我身是也。大王是故。當知諸根如幻境。界如夢。大王如是。應當繫心正觀。勿信於他。爾時世尊即說偈言。

常樂法自在 數數策其心

十三末 貪欲自在中

智心應遠離 離欲自在已 住法自在中
若能降伏心 則能伏煩惱 若能降煩惱
即得離業道 若離業道已 則爲世間塔
不爲欲穢染 顯示煩惱過 念饒益衆生
故號爲支提 聞貪欲過已 便能離貪欲
一切智淨心 故號爲支提 最勝大丈夫

念滅衆生惡 解脫彼瞋恚 故號爲支提
 最勝大丈夫 念滅衆生癡 脫彼愚癡心
 故號爲支提 調御天人師 念滅衆生慢
 淨彼衆生心 故號爲支提

大寶積經卷第七十五 皇五

大寶積經卷第七十六 皇六

高齊北天竺三藏那連提耶舍譯

菩薩見寶會第十六之十六

四轉輪王品第二十六之二

大王過去有王名曰地天如法爲王名爲法
 王七寶具足所謂輪寶象寶馬寶明珠寶玉

女寶長者寶主兵寶是名七寶大王彼地天
 王父名曰地生彼地生王臨命終時其地天
 最爲長子其地生生命終之後輔相大臣灌地
 天頂以爲大王即爲刹利灌頂大王時地天
 王旣爲刹利灌頂王已於十五日月盛圓滿
 受齋之日沐浴洗頭剪除鬚鬢及以爪甲已

著新淨衣以諸華鬘種種纓絡天冠臂印環
 釧耳乘莊嚴其身高樓上綵女圍遶即於
 東方有金輪寶千輻不減轂網具足光明照
 曜縱廣七肘純是真金大王時地天王見是
 事已即作是念我昔曾聞先舊人說若刹利
 灌頂王於十五日月圓滿時受齋之日沐浴
 洗頭剪除鬚鬢及除爪甲著不打衣以諸華
 鬘種種纓絡天冠臂印環釧金乘莊嚴其身
 在高樓上妹女圍遶若於東方有金輪寶轂
 輞具足千輻不減而來應者當知是王定當
 得作轉輪聖王復作是念我今豈可作輪王
 耶我今當試大王尔時地天王即從座起偏
 袒右肩整理衣服右膝著地對輪合掌向彼
 天輪作如是言寶輪可下在地而住作是語
 已彼天寶輪從空下地住在王前時地天王
 即以妙香用塗其手勝妙好衣以拭輪寶以
 其右手接取輪寶置左手中復以右手摩按
 其輪作如是言汝今應當降伏東方作是語